



**Claudii Fleurii Abbatis Historia Ecclesiastica**

Ab anno Christi 1546. usque ad annum 1549

**Fleury, Claude**

**August. Vind. [u.a.], 1770**

**VD18 90118529**

§. 33. Decretum Interim ab Argentinensibus quibusdam conditionibus  
acceptatum.

---

[urn:nbn:de:hbz:466:1-66608](https://nbn-resolving.de/urn:nbn:de:hbz:466:1-66608)

Sæcul. XVI. gamus, pro nobis effusum, ut in eo valeant  
 A.C. 1548. Imperii decreta, nobisque Religionem hanc  
 tueri liceat, donec legitimi Concilii authori-  
 tas intervenerit: etenim neque melior, nec ad  
 constituendam pacem utilior iuveniri via pot-  
 est, neque sane diuturnior.

Verum Carolus Cæsar eadem fer-  
 me, quæ nuper responderat, eis signifi-  
 cari jussit, præcipiens, ut sese submit-  
 terent, nec ultra precibus instarent, cum  
 hac super re aliud decerni non possit, i-  
 psis tamen promisit, quod in Synodo suas  
 querelas libere proferre valerent, por-  
 ro intra mensem diserte, quæ sit i-  
 psorum voluntas, exponerent. Hoc re-  
 sponso Senatores valde conterriti, ma-  
 gnum, ut vocant, Reipublicæ Senatum  
 convocant, qui tamen non nisi in diffi-  
 cillimis, maximique momenti rebus  
 cogi consueverat, ac trecentis constabat  
 civibus, ita ut ex singulis tribubus, qua-  
 rum sunt viginti numero, quindecim se-  
 ligerentur.

### §. XXXIII.

*Decretum Interim ab Argentinensibus  
 sub quibusdam conditionibus  
 acceptatum.*

Steid. Thu  
 t. c.

Collectis itaque Senatorum suffragiis,  
 plerique decretum *Interim* minime  
 recipiendum, nec ulla concordiae pacta  
 esse

esse ineunda censebant: Verum interje- Sæcul. XVI.  
A.C. 1548.  
 ctis aliquot diebus accepto nuntio, quod Cæsar's copiæ jamjam appropinquarent, Argentinenses ad mitiora descendere cæperunt, tandemque die septima Septembris datis ad Cæfarem literis sup- plices hæc exposuerunt: *Quoniam nos, invictissime Cæsar, ad Concilium rejicis, & fore dicis, ut ibi res juxta sacras literas tractetur, conditionem accipimus: & ne videamur esse contentiosi, vel obstinati, quo minus nostræ civitatis Episcopus formulam illam tuam certis in templis apud nos per sui ordinis homines instituat, non recusamus: de templis cum eo transigemus, nec ullum inferemus impedimentum, neque cives ab illis arcebimus, & cuique liberum erit, quam volet, & quam rectam esse putabit, religionem sectari, sed ea lege tamen, ut nobis invicem habere liceat aliquot tempora, in quibus verbum Dei pure doceatur, & admittentur Sacraenta, sicut decet, & lingua populari. Curabimus etiam, ut populus in disciplina continetur, & ne quid præter decorum fiat: deinde dies festos, & quod reliquum est de jejuniiis, & interdicto esu carnium, observari mandabimus, neque patiemur, ut pro Concione, vel aliis in locis aliquid fiat, quod offensioni caussam præbere possit. Et quoniam hæc doctrina multis nunc annis ita radices egit in animis hominum, ut, nisi cum vulnere conscientie, tam subi-*

**Sæcul. XVI.** *subito tolli non possit: deinde, quoniam hac  
A.C. 1548. ratione, quam ostendimus, decretum tuum,  
Cæsar, locum apud nos habebit, oramus,  
quam possumus vehementer, ut nostris preci-  
bus acquiescas, & ad usque Concilii tempus  
religionem hanc nobis permittas.*

Has conditiones, quas Jacobus Stur-  
mius pro sua eloquentia fusius expo-  
nebat, ratas habuit Imperator, ea ta-  
men lege, ut Argentinenses cum suo  
Episcopo concordiæ pacta inirent, si ve-  
ro cum illo convenire non possent, pe-  
nes Cæsarem sit hujus litis decisio:  
cum autem Episcopus ex Limpurgen-  
sium Familia in Franconia ortus, pri-  
mo sese duriorum monstraret, tandem  
utrinque arbitros feligere oportebat, ex  
quorum sententia urbis Senatus tres Ec-  
clesias huic Præfuli concessit, atque  
Ecclesiasticos in suam fidem, ac tute-  
lam recepit, eo tamen pacto, ut hi quo-  
tunq[ue] aliquam pecuniarum summam  
penderent, hacque lege ab omnibus o-  
neribus, atque exactionibus immunita-  
tem redimerent. His ita stabilitis E-  
piscopus vicissim, id efflagitantibus Pro-  
fessoribus, cunctisque civibus in usum  
Scholæ Collegium S. Thomæ, de quo  
ingens servebat controversia, unacum  
reliquis Templis Senatui cedere jube-  
batur.

§. XXXIV.